

# Soledurner Wiehnachtslied

## **Refrain:**

Soledurn, Soledurn, gli isch es sowiit,  
D'Wiehnachte schteiht vor der Tür  
Die schönschti Johreszyt. Hey!  
Soledurn, Soledurn, zum Glück geihts nümme lang  
Mir stritte nid, mir häufe vüu u heis gäbig mitenang.

## **1. Strophe:**

Laufi dür üses Stettli  
Gsehni nid emou d'Jurachetti  
Nid der St. Urseturm  
U d'Biise macht mi sturm.  
  
Am Aaremüürli unge  
Bi fasch ines Houzhüüsli gsprunge  
Am Wiehnachtsmärit-Glüehwyschtang  
Do wird's mer ändlich warm, hey!

## **Refrain:**

## **2. Strophe:**

Mit Chappe, Händsche, Ching  
Göh mer aui gschwing  
i d'Verenaschlucht  
Üsi besinnlechi Zueflucht  
  
Am Landhuusquai gihts de  
es heisses Wiehnachtstee  
U ig fröiemi ufs Schänke jede Tag es Bitzeli meh!

## Refrain

### 3. Strophe:

Ir Schtube isches schön warm  
Guetzle hett scho si Charme  
muesch mi aber nid zwöimou bitte  
Für ufe Wysseschtei go z'schlittle

I bi ganz gärn deheim  
u choche öppis feins  
Mir baschtle, teigge aui zäme, singe mitenang, hey!

### 1\* Refrain

### 1\* Refrain moduliert

**Schluss** singt ein Kind alleine:

Mir stritte nid, mir häufe vüu u heis gäbig mitenang

### Gesprochen:

Mir wünsche Dir schöni Wiehnachte und es friedlechs und  
erfougriichs nöis Johr!

